

SLUŽBA ZA REVIZIJU FINANSIJSKOG POSLOVANJA

Na osnovu člana 14. stav 1. Zakona o finansiranju političkih stranaka («Službeni glasnik BiH» broj 22/00) i člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) izdajem

IZVJEŠTAJ O REVIZIJI
GODIŠNJEG FINANSIJSKOG IZVJEŠTAJA ZA 2005. GODINU
NARODNE STRANKE RADOM ZA BOLJITAK

Broj: 09-07-6-921/07
Sarajevo, 24. maj 2007. godine

SADRŽAJ:

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS REVIZIJE	5
Predmet revizije	5
Cilj revizije.....	5
Obim revizije.....	5
4. PRETHODNE REVIZIJE.....	5
5. NALAZI I PREPORUKE.....	5
5.1. NALAZI	5
5.2. PREPORUKE.....	7

MIŠLJENJE REVIZORA

- 1.1. Služba za reviziju finansijskog poslovanja u Centralnoj izbornoj komisiji Bosne i Hercegovine izvršila je reviziju finansijskih izvještaja za 2005. godinu **Narodne stranke Radom za boljitak**. Revizija je ispitivala primjenu Zakona o finansiranju političkih stranaka od strane stranke Radom za boljitak.
- 1.2. Rukovodstvo stranke je odgovorno za finansijske izvještaje, postupanje u skladu sa zakonima i propisima i uspostavljanje efikasnog sistema internih kontrola.
Naša odgovornost je da izrazimo mišljenje na osnovu revizije koju smo izvršili.
- 1.3. Reviziju smo obavili u skladu sa revizijskim standardima. Ovi standardi zahtijevaju da reviziju planiramo i izvršimo na način da prikupimo dovoljno dokaza koji nam, u razumnoj mjeri, pružaju garancije da je stranka postupala u skladu sa Zakonom o finansiranju političkih stranaka.
- 1.4. Revizija je na osnovu uzoraka ispitivala značajne transakcije koje potvrđuju iznose u finansijskim izvještajima, ocjenu računovodstvenih načela prilikom sastavljanja finansijskih izvještaja i postupanje u skladu sa odredbama Zakona o finansiranju političkih stranaka.

Smatramo da revizija koju smo izvršili pruža razumnu osnovu za izražavanje našeg mišljenja.

Utvdili smo da Narodna stranka Radom za boljitak, u izvještajnom periodu nije postupila u skladu sa odredbama člana 5. stav 1., člana 6., i člana 11. stav 3. Zakona o finansiranju političkih stranaka.

Prema našem mišljenju, osim navedenog, revidirani finansijski izvještaji ukazuju da je Narodna stranka Radom za boljitak u 2005. godini postupala u skladu sa Zakonom o finansiranju političkih stranaka.

1. UVOD

Služba za reviziju finansijskog poslovanja u Centralnoj izbornoj komisiji BiH (u daljem tekstu: Služba za reviziju) je izvršila reviziju godišnjeg finansijskog izvještaja Narodne stranke Radom za boljitak za 2005. godinu

Revizija je preduzeta u skladu sa članom 14. stav 1. Zakona o finansiranju političkih stranaka i članom 24. Pravilnika o godišnjim finansijskim izvještajima političkih stranaka.

Zbog činjenice da se revizija obavlja provjerama na bazi uzorka i da postoje ograničenja u računovodstvenom sistemu i sistemu internih kontrola, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Narodna stranka Radom za boljitak je iskazala prihode u iznosu od 693.467,12 KM, čija struktura je data u sljedećoj tabeli:

Red.br.	Vrsta prihoda	Iznos u KM	Učešće u Uk.prih. %
1	Članarina	11.979,00	1,73%
2	Prilozi fizičkih lica	520.466,58	75,05%
3	Prilozi pravnih lica	400,00	0,06%
4	Prihodi od imovine	0,00	0,00%
5	Prihodi od pr.lica	0,00	0,00%
6	Prihodi od poklona	20.415,10	2,94%
7	Prihodi iz budžeta	135.043,32	19,47%
8	Ostali prihodi	5.163,00	0,74%
	Ukupni prihodi:	693.467,12	100,00

U godišnjem finansijskom izvještaju Narodna stranka Radom za boljitak je iskazala ukupne rashode u iznosu 722.116,08 KM.

2. PREDSTAVLJANJE POLITIČKE STRANKE

Naziv političke stranke: Narodna stranka Radom za boljitak. Skraćeni naziv stranke je Za boljitak. Stranka je registrovana 28.06.2005. godine kod Kantonalnog Suda Sarajevo pod brojem R-I-5/05.

Sjedište političke stranke je u Sarajevu, ulica Kranjčevićeva broj 41.

Za zastupanje stranke ovlašten je Mladen Ivanković-Lijanović, predsjednik stranke. Lice ovlašteno za podnošenje finansijskih izvještaja za 2005. godinu je Ivan Pandža.

Organizacionu strukturu Narodne stranke Radom za boljitak čine:

- Središni odbor
- 8 Regionalnih odbora u Republici Srpskoj
- 10 Kantonalnih povjerenstava u Federaciji BiH
- 64 Opštinska odbora u Republici Srpskoj

- 79 Općinskih povjerenstava u Federaciji BiH¹

Narodna stranka Radom za boljitak je u 2005. godini poslovala preko 4 transakcijska računa, otvorena kod dvije poslovne banake².

3. OPIS REVIZIJE

Predmet revizije je godišnji finansijski izvještaj Narodne stranke Radom za boljitak za 2005. godinu i to sljedećih organizacionih dijelova:

- Središnji odbor Narodne stranke Radom za boljitak,
- Kantonalno povjerenstvo Široki Brijeg i
- OO Banjaluka

Cilj revizije je da se prikupi dovoljno relevantnih dokaza kako bi se moglo izraziti mišljenje o tome da li je Narodna stranka Radom za boljitak u izvještajnom periodu postupala u skladu sa odredbama Zakona o finansiranju političkih stranaka.

Obim revizije finansijskih izvještaja Narodne stranke Radom za boljitak obuhvata kontrolu dokumentacije političke stranke i provođenje analitičkih procedura na podacima iz finansijskog izvještaja radi utvrđivanja usklađenosti finansiranja

4. PRETHODNE REVIZIJE

Revizija finansijskih izvještaja Narodne stranke Radom za boljitak obavlja se prvi put.

5. NALAZI I PREPORUKE

5.1. NALAZI

- a) **Na osnovu obavljene revizije Narodne stranke Radom za boljitak i izabраниh organizacionih dijelova, utvrđeno je kršenje odredaba člana 5. stav 1. Zakona o finansiranju političkih stranaka, jer je stranka primila prilog fizičkog lica iznad dozvoljenog limita .³**

U toku 2005. godine stranka je dva puta primila prilog od istog fizičkog lica u ukupnom iznosu od 6.200,00 KM. Ukupni prilog jednog fizičkog lica je premašio dozvoljeni limit za iznos 1.896,00 KM.

¹ U finansijskom izvještaju za 2005. stranka nije iskazala teritorijalnu i organizacionu strukturu. Navedena organizaciona struktura je utvrđena revizijom ove političke stranke.

² U finansijskom izvještaju za 2005. godinu nisu prijavljena tri računa na kojima nije bilo prometa u 2005. godini. To su: devizni račun u USD kod Zagrebačke banke, devizni račun u EUR kod LTK banke i račun u KN kod Zagrebačke banke

³ Ukupan iznos jednokratnog priloga pravnih i fizičkih lica ne smije da premaši osam prosječnih neto plata prema zvaničnim podacima Agencije za statistiku Bosne i Hercegovine u jednoj kalendarskoj godini i ne smije da se dodjeljuje više od jednom godišnje. Maksimalan iznos priloga pravnih i fizičkih lica u 2005. godini može iznositi 4.304,00 KM

b) Stranka je prekršila odredbe člana 6. Zakona o finansiranju političkih stranaka na način da nije prijavila priloge fizičkih lica koji potiču od vijećničkih paušala.⁴

Narodnoj stranci Radom za boljitak u 2005. godini je uplaćen vijećnički paušal za devet mjeseci za šest članova Vijeća Općine Široki Brijeg u iznosu od 16.200 KM. U finansijskom izvještaju stranka primljena sredstva nije prijavila kao priloge fizičkih lica koji potiču od vijećničkih paušala kojih se dobrovoljno odreklo šest vijećnika u korist stranke. Sredstva su iskazana kao prihod iz budžeta.

c) Na osnovu obavljene kancelarijske revizije godišnjeg finansijskog izvještaja za 2005. godinu utvrđeno je da je Narodna stranka Radom za boljitak prekršila odredbe člana 11. stav 3. Zakona o finansiranju političkih stranaka

- Stranka nije popunila finansijske izvještaje u skladu sa Pravilnikom o godišnjim finansijskim izvještajima. Pravilno su popunjeni samo obrasci na nivou stranke (obrazac 2, obrazac 3 i obrazac 4), a umjesto obrazaca finansijskog izvještaja koji se popunjavaju po organizacionim dijelovima stranke, dostavljene su finansijske analitičke kartice koje ne mogu zamijeniti obrasce propisane Pravilnikom o godišnjim finansijskim izvještajima političkih stranaka („Službeni glasnik BiH“ broj 10/04).⁵
- U obrascu 1-1 teritorijalna struktura političke stranke prijavljena je samo politička stranka bez organizacionih i teritorijalnih dijelova. Revizijom je utvrđeno da organizacionu strukturu Narodne stranke Radom za boljitak čine: Glavni odbor, 10 Kantonalnih povjerenstava u Federaciji BiH, 79 Općinskih povjerenstava u Federaciji BiH, 8 Regionalnih odbora u Republici Srpskoj i 64 Opštinska odbora u Republici Srpskoj. Sistem poslovanja stranke je trezorski i sve finansijske transakcije se vrše preko žiro-računa i blagajne središnjeg odbora.⁶
- Na obrascu 2 (promet transakcijskih računa) nisu prijavljena tri računa: račun u USD kod Zagrebačke banke, račun u EUR kod LTK banke i račun u KN kod Zagrebačke banke. Revizijom je utvrđeno da preko navedenih računa stranka nije ostvarila promet u 2005. godini.
- U finansijskom izvještaju politička stranka je iskazala neizmirene obaveze prema dobavljačima u iznosu od 100.584,26 KM, dok je revizijom utvrđeno da obaveze prema dobavljačima iznose 132.146,13 KM i obaveze preuzete ugovorom o cesiji 3.176,50 KM.⁷ Ukupno neizmirene obaveze prema dobavljačima su iskazane za 34.738,37 KM u manjem iznosu od obaveza iskazanih u poslovnim knjigama stranke.
- U finansijskom izvještaju za 2005. godinu nisu iskazane obaveze prema zaposlenima (plate, topli obrok, obaveze po ugovoru o djelu, porezi i doprinosi na plate i iz plata) u iznosu

⁴ Ako ukupan iznos priloga jednog pravnog ili fizičkog lica prelazi 100,00 KM ta se uplata mora prijaviti, odnosno unijeti u finansijski izvještaj u skladu sa članom 11. Zakona o finansiranju političkih stranaka

⁵ U skladu sa članom 11. stav 3. Zakona o finansiranju političkih stranaka, do 31.03. naredne godine političke stranke podnose finansijski izvještaj u formi koju odobri Centralna izborna komisija BiH.

⁶ Organizacioni dijelovi stranke nemaju transakcijske račune. Sve finansijske transakcije se obavljaju preko žiro-računa Središnjeg odbora. Sredstva po osnovu prihoda svih organizacionih dijelova stranka prima na žiro-račune Središnjeg odbora i troškove za sve organizacione dijelove plaća sa istih računa.

⁷ U poslovnim knjigama su iskazane obaveze prema dobavljačima u iznosu 3.232,58 KM koje su prema Zakonu o obligacionim odnosima zastarjele.

75.078,56 KM i obaveze za porez na promet usluga po ugovorima o zakupu poslovnih prostora u iznosu 9.133,00 KM, a iskazane su u poslovnim knjigama stranke. Od ukupnog iznosa navedenih obaveza 79.716,22 KM se odnosi na obaveze nastale u ranijim godinama, a ne u 2005. koja je predmet revizije.⁸

5.2. PREPORUKE :

Na osnovu uočenih nedostataka Narodnoj stranci Radom za boljitak se preporučuje:

- *Da mora podnositi finansijske izvještaje u skladu sa članom 11. Zakona o finansiranju političkih stranaka:*
 - *finansijski izvještaj treba sadržavati podatke utvrđene Zakonom i biti sačinjen u formi propisanoj Pravilnikom o godišnjim finansijskim izvještajima političkih stranaka koji je CIK BiH donijela u skladu sa članom 11. stav 3. Zakona o finansiranju političkih stranaka*
- *Stranka treba postupati u skladu sa odredbama člana 5. stav 1. Zakona o finansiranju političkih stranaka;*
- *Stranka treba postupati u skladu sa odredbama člana 6. Zakona o finansiranju političkih stranaka;*
- *Stranka treba voditi evidenciju o sredstavima koja joj se uplaćuju iz budžeta (sredstva za finansiranje parlamentarnih grupa odvojiti od poslaničkih paušala)*
- *Stranka treba u što kraćem roku utvrditi stvarno stanje svojih obaveza, s posebnim naglaskom na obaveze za poreze i doprinose. Sugerise joj se da od nadležnih organa prema kojima su u poslovnim knjigama iskazane obaveze zatraže porezna uvjerenja, kao najmjerodavniji način usaglašavanja potraživanja i obaveza.*

KOMENTAR:

U ostavljenom roku, Narodna stranka Radom za boljitak se nije očitovala na Preliminarni izvještaj o reviziji godišnjeg finansijskog izvještaja za 2005. godinu.

Ističemo da smo tokom obavljanja revizije imali dobru i korektnu saradnju sa osobom ovlaštenom za finansijske izvještaje i zaposlenim u Središnjici Narodne stranke Radom za boljitak Široki Brijeg.

Hasida Gušić, Šef Službe za reviziju, revizor

Sanja Čabrilo, revizor

Željko Bakalar, pomoćnik revizora

⁸ Ne može se pouzdano tvrditi da stranka stvarno ima navedene obaveze, jer se 51.850,15 KM ili 65,04% obaveza odnosi na obaveze za poreze i doprinose koji su se morali platiti u zakonom propisanim rokovima, te ih nije moguće prenositi u naredne godine, što je slučaj sa ovom strankom.